


有部昆柰耶

牙十八

三百十七  
去八

49923



Handwritten mark in the top-left corner.

Handwritten mark in the top-right corner.

Handwritten mark on the left edge.

Handwritten mark on the right edge.

Handwritten mark in the bottom-left corner.

Handwritten mark in the bottom-right corner.



根本說一切有部毗奈耶卷第十八 去

唐三藏法師

義淨奉

制譯

使非親居院故衣學處第四之二

今時鄔陀夷聞佛世尊說伽他已頂禮佛足  
白佛言世尊我欲還宮白父王知佛告鄔陀  
夷為佛使者理不應然鄔陀夷白佛言為佛  
使者其事如何佛告鄔陀夷凡出家者方為  
佛使鄔陀夷言我願出家然為要契事須還  
報淨飯大王我今且去佛言待出家已方報  
前信鄔陀夷言善哉我今出家然而世尊為  
菩薩時生生之處於二師二親及尊重類有  
如法教令曾不違逆由此因緣言無違者時



鄔陀夷白佛言我今出家佛告舍利子汝與  
鄔陀夷出家今其長夜永得利益舍利子言  
如是世尊便與出家并受圓具所有行法略  
並告知時鄔陀夷既受教誡禮舍利子已詣  
世尊所禮佛雙足白佛言世尊我已出家佛  
言汝今可去然而造次勿入王宮宜至其門  
立而告曰釋迦苾芻今至門外若喚入者即  
應隨入彼若問言更有諸餘釋迦苾芻不答  
言更有若問一切義成太子亦作如是形狀  
耶荅言亦作如是形狀汝亦不應宿王宮內  
若問一切義成太子宿王宮不荅言不宿問  
何處宿止荅言或阿蘭若或毗訶羅若問一



切義成太子欲來此不答言欲來若言何時  
欲來答言過七日後方來至此時鄔陁夷禮  
佛而去今時世尊神力加被令鄔陁夷如伸  
臂頃即至劫比羅城立王門外告守門者曰  
爲我白王釋迦苾芻今在門外門人問曰更  
有諸餘釋迦苾芻不報言更有門人即便入

白王曰大王釋迦苾芻來在門外得令入不  
王言喚入我觀釋迦苾芻其狀如何門人引  
入既至王所王識顏狀問言鄔陁夷汝今出  
家報言我已出家王便問曰一切義成太子  
亦作如是形狀答言大王亦同此狀時淨飯  
王無始劫來恩愛情重聞是語已即便悶絕

投身擗地以冷水灑良久乃蘇從地起已問  
鄔陀夷曰一切義成太子欲來此不荅言欲  
來何時欲來過七日已方來至此時王即便  
命諸臣曰一切義成太子過七日已欲歸故  
居卿等應可修飾城隍莊嚴道路宮中內人  
亦令灑掃太子欲來鄔陀夷言世尊不住王  
家及內宮裏王曰何處居停荅曰或阿蘭若  
或毗訶羅王告諸臣曰卿等往阿蘭若處屈  
路陁林同逝多林造一住處有十六大院院  
六十房是時諸臣奉王命已遂往阿蘭若屈  
路陁林同逝多林造十六大院院有六十房  
然大王教令隨言即成諸勝天人舉心事辦



相應定力意念皆就於此城中街衢巷陌屏除諸穢以旃檀香水而徧灑之處處皆有殊妙香供懸衆繒綵建立幢幡布列香華誠可愛樂猶如帝釋歡喜之園時諸大衆久懷渴仰瞻望世尊企想而住

尔時世尊在逝多林命大目連曰汝今宜往告諸苾芻如來欲向劫比羅城若諸具壽情樂欲見父子相遇者應持衣鉢時大目連受佛教已告諸苾芻曰諸具壽世尊欲向劫比羅城若諸具壽情樂欲見父子相遇者應持衣鉢隨從世尊時諸苾芻既承告已俱來從佛尔時世尊自調伏故調伏圍遶自寂靜故

寂靜圍繞解脫解脫圍繞安隱安隱圍繞善  
順善順圍繞離欲離欲圍繞阿羅漢阿羅漢  
圍繞端嚴端嚴圍繞如旃檀林旃檀圍繞猶  
如象王象子圍繞如師子王師子圍繞如大  
牛王諸牛圍繞猶如鵝王諸鵝圍繞如妙翅  
王妙翅鳥圍繞如婆羅門學從圍繞猶如大  
醫病者圍繞如大軍將兵衆圍繞猶如導師  
行旅圍繞猶如賈主賈客圍繞如大長者人  
衆圍繞如諸國王大臣圍繞猶如明月衆星  
圍繞猶如日輪千光圍繞如持國天王乾闥  
婆圍繞如增長天王鳩槃荼圍繞如醜日天  
王龍衆圍繞如多聞天王藥叉衆圍繞如淨



妙王阿蘇羅衆圍繞猶如帝釋三十三天圍  
繞如梵天王梵衆圍繞猶如大海湛然安住  
猶如大雲靉靄垂布猶如象子屏息狂醉調  
伏諸根威儀寂靜三十二相而爲莊飾八十  
種好以自嚴身圓光一尋朗逾千日安步而  
進如移寶山十力四無畏大悲三念住無量  
功德皆悉圓滿諸大聲聞尊者何脊若憍陳  
如尊者高勝尊者婆瑟波尊者大名尊者無  
滅尊者舍利子尊者大目連尊者迦葉波尊  
者名稱尊者圓滿等諸大聲聞及餘人衆往  
劫比羅漸次而行至盧呬多河時諸苾芻或  
有洗濯手足或嚼齒木或濾淨水或時澡浴

是時劫比羅城所有人衆聞一切義成太子  
今欲來至皆大歡喜覓共奔走往屈路陀林  
時淨飯王於寬廣處敷設床座以待太子是  
時乃有無量百千大衆雲集或有先世善根  
共相警覺或有情生喜樂作如是念爲父禮  
子爲子拜父耶時佛世尊便作是念我若足  
步入城中者諸釋迦子各起慢情共生不信  
作如是議一切義成太子大有所失昔時去  
日百千天衆隨從空中於劫比羅城圍繞而  
去今者獲得無上妙智更乃足步而還欲令  
諸人息輕慢心故我今應以神變入劫比羅城  
尔時世尊隨心所念入三摩地既入定已於



座不現共諸苾芻涌在虛空猶如滿月共相  
圍繞亦如鵝王舒翼而住行住坐卧四威儀  
中廣現神變尔時卅尊先於東方入火光定  
現種種焰青黃赤白紅頗胝色或現變神通  
身上出水身下出火身上出火身下出水如  
東方既然南西北方亦復如是次攝神通於  
虛空中高七多羅樹時諸苾芻但高六樹卅  
尊高六苾芻高五佛五衆四佛四衆三佛三  
衆二佛二衆一佛一衆與六人等佛六衆五  
佛五衆四佛四衆三佛三衆二佛二衆一佛  
一衆便居地卅尊去地高踰一人行空而去  
并與無量百千俱胝人天大衆圍繞而去至

劫比羅城時淨飯王既見佛已頭面禮足說  
伽他曰

佛初生時大地動

瞻部樹影不離身

今是第三禮圓智

降伏魔怨成正覺

時諸釋迦及餘大衆見淨飯王禮佛足已情

生不忍共相唱言云何尊父禮子之足時淨

飯王告諸釋子曰汝等不應作如是語當時

菩薩初生之日大地震動放大光明普照世

界其色晃曜過於三十三天於世界中間黑

闇之處日月威光之所不及當尔之時並蒙

光曜彼處所有舊住有情蒙光曜已手得相

見共作是語仁等有情亦居此處尔時我見



希有事已復禮佛足又復菩薩曾往田中觀  
諸產業於瞻部樹影結跏而坐遠離欲界惡  
不善法有尋有伺得喜樂定入初靜慮日已  
過午其餘諸樹影悉東垂惟瞻部樹影而獨  
不移蔭菩薩身尔時我見希有事已復禮佛  
足此是第三禮世尊足尔時世尊於苾芻衆  
中及諸大衆就座而坐時淨飯王復禮佛足  
對面而坐此是第四禮世尊足時諸釋迦於  
屈路陁林中殊妙之處敷設勝座并上供養  
以待世尊及苾芻衆尔時世尊詣彼林所於  
大衆中就座而坐時淨飯王即以種種盡世  
微妙殊勝供養供佛僧已時淨飯王白飯王

斛飯王甘露飯王及餘百千諸來大眾禮佛  
足已在一面坐或有諸人但爲合掌復有諸  
人遙望世尊默然而坐時淨飯王即以伽他  
而問佛曰

佛昔在王宮  
出乘象馬輿  
云何以雙足

遊於棘刺中

世尊報曰

我以神足通  
自在乘空去  
周行大地盡

煩惱刺無傷

王復問曰

昔衣上妙服  
容色多光彩  
今著鹿弊衣  
如何得堪忍



世尊報曰

慙愧為上服

被著甚端嚴

見者起歡心

寂靜居林野

王復問曰

昔食香稻飯

盛以勝金盤

乞句取鹿跡

云何得充濟

世尊報曰

我食微妙法

味與定相應

蠲除飲食貪

愍物故哀受

王復問曰

昔昇妙樓殿

隨時以自安

比在山林中

云何不驚怖

世尊報曰

我斷怖根本

煩惱悉蠲除

雖處林野中

永絕諸憂懼

王復問曰

昔在王宮內

沐浴以香湯

比居林野中

牟尼以何浴

世尊報曰

法池福德津

清淨人所歎

智者於中浴

去垢不露身

王復問曰

昔日在王宮

金瓶灌水浴

比在江池處

何器以澆身



世尊報曰

我浴淨戒水

灌以妙法器

智者共欽讚

能淨身心垢

尔時世尊以妙伽他答淨飯王已次觀大衆  
意樂隨眠界性差別稱彼根機而為說法其  
聽法者所謂白飯王斛飯王甘露飯王及餘  
百千諸來大衆同聞妙法得預流果或得一  
來果或得不還果或有出家斷諸煩惱證阿  
羅漢果或發獨覺菩提之心或有發趣無上  
菩提之心自餘諸衆皆令歸依三寶住正信  
中時淨飯王由極歡喜故未得見諦淨飯王  
及諸大衆禮佛足已恭敬而去其淨飯王更

於夜中作如是念惟我一子有此威德餘無及者

尔時世尊知淨飯王心之所念欲令降伏家宗慢故至天曉已便命大目連曰汝當觀察愍念父王目連白佛言唯然世尊即便執持衣鉢詣淨飯王所時王既見目連來至便唱善來命之就座是時目連即如所念入三摩地既入定已隱身於座涌現空中時大目連先於東方入火光定現種種焰青黃赤白紅色頗胝迦色或變神通身上出水身下出火身上出火身下出水如東方既然南西北方亦復如是次攝神通現於本座時淨飯王白



大目連曰。世尊弟子更有如是。大威德。類如尊者。不時。大目連即爲父王說。伽他曰。  
牟尼聖弟子。皆有大威德。三明及六通。無不具足者。

時淨飯王便作是念。非惟我子有大威德。於餘亦有如是。苾芻具大神力。前起慢心。即便除斷。是時淨飯王復作是念。今者世尊。惟人供養。不見諸天。時大目連知王念已。便白王曰。大王。我今還欲往世尊所。白言。隨意時淨飯王亦詣佛所。  
爾時世尊知父王念。即於屈路陀林。悉皆化作蘇頗胝迦。時淨飯王欲東門入。門人報曰。

大王勿入王曰何意門人報曰佛今純爲諸  
天說法王問門人曰賢首汝是何人門人答  
曰大王我是東方持國天王時淨飯王便往  
南門欲見世尊門人白言大王勿入王問何  
意門人報曰佛今純爲諸天說法王問門人  
曰賢首汝是何人答曰我是南方增長天王  
時淨飯王便往西門欲見世尊門人白言大  
王勿入王問何意門人報曰佛今純爲諸天  
說法王問門人曰賢首汝是何人門人答曰  
我是西方醜目天王時淨飯王便往北門欲  
見世尊門人白言大王勿入王問何意門人  
報曰佛今純爲諸天說法王問門人曰賢首



汝是何人。門人荅曰：我是北方多聞天王。尔時世尊便以神力加被，淨飯王令於門外見佛。世尊與諸天衆說微妙法。時淨飯王見是事已，便作斯念：今佛世尊非惟人衆之所供養，亦爲諸天而來親奉。令淨飯王慢心息已，便攝神變。時大目連引淨飯王入見。世尊既至佛所，禮佛足已，在一面坐。

尔時世尊隨淨飯王及餘諸衆，意樂隨眠界性差別，隨其根機而爲說法。令淨飯王以智金剛杵摧破二十身見。高山得預流果，既證果已，白佛言：世尊，我今所證非高祖所作，亦非父母所作，非王非天，非沙門婆羅門，非諸

宗親之所能作我依世尊善知識故方獲斯  
事於捺落迦傍生餓鬼三惡道中拔濟令出  
安置人天能盡未來生死邊際乾竭血淚巨  
海越度白骨大山無始已來曾所積集身見  
窟宅今並除棄證斯妙果大德於生死流我  
今得出我今歸依佛法僧寶為鄔波索迦惟  
願世尊慈悲鑒察我從今日乃至盡形不斷  
有情命乃至不飲諸酒頂受世尊所制學處  
時淨飯王禮佛而去便詣白飯王所報言太  
子可受王位彼便報曰有何意耶王曰我今  
見諦不能為王問言何日報言今日彼便報  
曰我於世尊初來之日即於彼時我得見諦



次往斛飯王後往甘露飯王所莫稱王位彼  
悉自云我已見諦淨飯王曰若如是者我今  
欲灌誰頂令受王位彼便報曰釋迦童子名  
曰賢善可稱王位時淨飯王即便灌頂以其  
王位受與賢善

尔時世尊及苾芻僧衆於日日中入王宮內  
受其供養時淨飯王作如是念今佛弟子外  
道千人心雖端正身非嚴好由昔苦身形容  
瘦悴云何得令世尊門徒俗儀可愛觀相生  
善若令釋種陪隨世尊方是端嚴人共尊重  
時淨飯王集諸釋種而告之曰諸君當知一  
切義成太子若不出家者當何所作彼皆報

曰作轉輪王又問曰君等作何報言我等稱  
目皆爲從者王復告曰今一切義成太子證  
甘露法亦令有情同飡斯味仁等何因不爲  
隨從彼皆報曰我今出家王曰各隨汝意諸  
釋子曰爲全家並去爲當家別一人王曰家  
別一人時淨飯王即便搥鍾宣令普告諸釋  
種中家別一人出家奉佛若不肯者必招咎  
責卽於是時釋種之中賢善無減等五百釋  
子悉皆出家如世尊說若捨貴族而出家者  
多獲利養時五百釋子苾芻極招利養卽時  
世尊便作是念此諸釋子本爲解脫而求出  
家今捨少欲耽著財利世尊欲令絕利養故



即便旋往室羅伐城在逝多林如昔安住時  
具壽鄔陀夷於日初分執持衣鉢入室羅伐  
城次第乞食巡至故二笈多之宅在門而立  
是時笈多遙見鄔陀夷來瞻其顏狀知是故  
二即便以手搥胸而告之曰鄔陀夷仁今何  
意棄我出家鄔陀夷曰賢首如我世尊為苦

薩時便捨寶女耶輸陀羅持稱亦瞿比迦

也密伽闍鹿子也等六萬婦女而為出俗誰能

共汝塵垢之面而沉溺耶笈多報言鄔陀夷  
若如是者我亦出家荅曰善哉笈多報言我  
今收斂家業尋當出家鄔陀夷曰宜疾勿遲  
遂捨而去然鄔陀夷於時時由數來看問告

笈多曰汝未出家彼便報曰我之家業尚未  
收斂。鄔陀夷曰要待憍薩羅國煨燼之後汝  
之家業方可了。耶笈多報言今即收斂。明當  
出家時。鄔陀夷便作是念。我於今時由昔俗  
累尚被黑鉢同梵行者所輕。況復令彼出家  
更招譏議。云六衆苾芻度苾芻尼便生追悔。  
至天曉已。執持衣鉢往王舍城。既至彼已。安  
居坐夏。是時笈多付家業已。便於他日往逝  
多林。問諸苾芻曰。彼向何處。苾芻問曰。彼者  
是誰。報言。聖者鄔陀夷。諸苾芻報曰。彼以遠  
趣王舍大城。彼既聞已。即便啼泣。苾芻問言。  
笈多何意啼泣。報言。聖者鄔陀夷。令我棄俗。



許與出家我既付囑家產彼便遠捨而去我  
今不居俗舍復非出家寧不憂惱有人報曰  
為剃刀故彼向王城欲取新刀剃汝新髮于  
時苾芻尼衆為請教授來逝多林見彼笈多  
行啼憂悵問言笈多何意啼泣笈多具以前  
事告苾芻尼諸尼報曰汝誠無識豈有苾芻  
度苾芻尼耶還令尼衆度汝出家可隨我來  
至大世主喬答彌處度汝出家時諸尼衆便  
將笈多至大世主處白言聖者此之笈多情  
願出家時大世主即與出家時鄔陀夷在王  
舍城作如是念我為護惜諸黑鉢者故不與  
笈多出家我多喪失要胄條雜物資身之具若

餘黑鉢度笈多出家者乃至暫欲見我亦無  
由得雖及安居情常不樂時有摩訶羅苾芻  
從室羅伐城夏安居已來至王城時鄔陀夷  
於竹林精舍外近大道邊瞻望而住遂遙見  
彼老苾芻來髮若荻華眉長下覆偃肩垂臂  
徐步而行時鄔陀夷便作是念此之來者何  
上座耶旣相近已告言善來善來上座老苾  
芻云敬禮阿遮利耶敬禮鄔波馱耶時鄔陀  
夷見無軌則不識二師即知定是摩訶羅也  
遂時入寺問言尔何從來報言從室羅伐來  
時鄔陀夷便生是念若我先問笈多消息聞  
者譏醜我應次第而問汝摩訶羅旣從彼來



得知世尊少病少惱起居輕利安樂行不在  
室羅伐爲夏安居彼便報言世尊無病安樂  
在彼安居又問苾芻苾芻尼鄔波索迦鄔波  
斯迦衆並得無病安樂如常所居於時時中  
奉觀世尊聽正法不荅言所問之人並得安  
隱亦時時中來聞正法又問住位了教憍陳  
如住位迦葉波住位舍利子大目連等諸餘  
尊宿大世主喬荅彌及勝光王長者仙授故  
舊鹿母毗舍佉善生夫人悉得無病安樂住  
不荅言並安樂住又問汝識長者婦笈多不  
荅言我識彼是大德鄔陀夷昔日之妻鄔陀  
夷曰彼豈今時尚爲長者之婦荅曰已出家

訖鄔陀夷問曰誰與出家報言是大世主鄔  
陀夷便作斯念既是出家或容再面即便喚  
言摩訶羅且來濯足時鄔陀夷取彼衣鉢掛  
在極高象牙杙上遂多與油令塗手足報言  
今此房中有食有利宜當安隱歡意而住彼  
便報言我不樂住時鄔陀夷便持鎖鑰而付  
與之告言如世尊說苾芻不應空棄住處捨  
之而去摩訶羅此是鎖鑰汝自當知說是語  
已即便涉路漸至室羅伐城逝多林內灑掃  
房宇以糞牛糞而塗拭已便掩半扇偃卧床  
上作歌詠聲而誦正法時有苾芻尼為請教  
授而來至此諸尼聞此諷誦之聲識其響韻



即便共往鄔陀夷所問言大德往時走去比  
何處來荅言我前須往王舍城中尼問知已  
即便歸寺告笈多曰汝今喜滿阿遮利耶現  
已來至笈多問曰若箇阿遮利耶報言是鄔  
陀夷笈多曰因何是我軌範之師我豈從彼  
而受學業諸尼報曰汝無識人多有諸尼與  
大苾芻共相繫屬汝今宜往問其安不彼即  
具持屑香及油澡浴之物往詣彼房扣門而  
喚鄔陀夷問曰扣門者誰報曰我是笈多鄔  
陀夷曰善來善來長者之婦隨意當進是時  
笈多入而告曰大德我今豈是長者婦耶我  
已出家問言誰復與汝而爲出家報言聖者

大世主與我出家鄔陀夷曰我有他事須向  
王城汝復何緣急求離俗彼便報曰豈非大  
德前作斯語汝當收斂家業我度汝出家我  
依斯教付囑家產大德棄我遠向王城若大  
世主不度我者我誠非俗亦非出家鄔陀夷  
曰我豈當時自貽重擔許言教汝今且可坐  
爲汝說法禮已便坐端心聽法時鄔陀夷即  
爲說法說法之時即便追念昔時所有歡笑  
之事問笈多曰汝憶往時在某園林天祠之  
處食噉如是美妙飲食談話之時欲意便起  
欲心旣起情多錯亂凡智慧女人有五不共  
事表知男女有欲盛心無欲盛心笈多覺知



鄔陀夷欲心熾盛告言聖者我暫須出事了  
還來鄔陀夷作如是念此爲便利而欲出耶  
遂令暫出笈多出已撩舉羣衣急走而去時  
鄔陀夷聞其走聲即便出外隨後而去喚言  
禿沙門女走向何處復更急趨生支觸體其  
精遂泄欲心旣歇徘徊而住笈多知已亦復  
還來報言聖者我若許者我非苾芻尼仁非  
苾芻鄔陀夷曰姊妹如世尊說若自護者即  
是護他若護他者便成自護云何自護即是  
護他自能修習多修習故有所證悟由斯自  
護即是護他云何護他便成自護不惱不恚  
無怨害心常起慈悲愍念於物是名護他便

成自護笈多報曰聖者可脫袞來我當爲浣  
時鄔陀夷即以衣付是時笈多見衣精已便  
生悔心即便自念我之身分未有聖者鄔陀  
夷所觸所見我不順彼實非善事作是念已  
陪發染心如佛經中說伽他曰  
諸有耽欲人 不見於義利 亦不觀善法

常行黑闇中

時彼笈多欲心亂故取精一涕置於口中復  
取一滴投女根內有情業力事不思議時有  
中蘊有情是最後生而來依託笈多之寺便  
爲浣衣諸尼見問笈多具答其事諸尼更問  
我言謂汝爲求勝法往大德處寧知更有此



惡事耶笈多報曰彼之大德是持戒者自出家後我之身分曾不重觸諸尼報曰不觸身分尚有斯事女其觸著汝欲如何諸苾芻尼知其事已往白苾芻諸苾芻白佛佛告諸苾芻彼尼無犯波羅市迦旣其有娠應安屏室與食供給無令闕事當生其子名童子迦葉波於我法中而爲出家斷諸有漏成阿羅漢我弟子中辯才巧妙善能宣說最爲第一小時世尊遂作是念若有苾芻令非親族苾芻尼浣故衣者有斯過失世尊以此因緣如前廣說乃至我今爲諸弟子於毗奈耶制其學處應如是說

若復苾芻使非親苾芻尼浣染打故衣者泥  
薩祇波逸底迦

若復苾芻者謂鄔陁夷若更有餘如是流類  
言親族者謂從七祖父母兩人已來皆是親  
族過此便非苾芻尼者謂是笈多故衣者七  
種衣中隨是一數云何為七一者毛二者芻

摩迦此方無三者奢搗迦此方無四者羯播死迦

白毳五獨孤洛迦紵布六高詰薄迦是上方無也七

者阿般蘭得迦是北方地名其處有此衣也亦有釋云即是純縮之衣耳

言浣者下至水浸染者下至一入色打者下

至手一打泥薩祇波逸底迦者廣說如前此

中犯相其事云何若苾芻知非親族尼作非



親族想令浣故衣犯捨墮捺打亦如是於三  
事中或令三事俱作或令作二或令作一又  
於三中隨一爲初使非親尼皆得本罪若非  
親尼疑亦捨墮罪若是親尼作非親想得惡  
作罪若是親尼而起疑心得惡作罪又無犯  
者謂最初犯人或癡狂心亂痛惱所纏

從非親尼取衣學處第五

余時世尊在室羅伐城逝多林中如佛所說  
若捨貴族而出家者多獲利養然諸釋種既  
出家已利養豐多彼於衣服常事撩理長衣  
長鉢絡囊要脩並多貯畜世尊知已作如是  
念此諸釋子本求解脫而爲出家於出離因

悉皆棄捨不修善品耽著財利我今應爲說法令捨財利世尊時時爲其說法彼諸釋子不能見諦世尊復念何因緣故釋子出家不能見諦皆由耽著財利資生雜物我今若作訶責治罰者釋子苾芻無由開解應示諸佛正覺調伏善巧化度之儀尔時世尊告諸苾芻曰汝等當知我欲於此夏安居三月之內宴默而住勿令苾芻輒來見我除一苾芻爲我請食者除長淨日時諸苾芻謹受佛教衆共立制於此夏安居內苾芻不得輒見世尊除一苾芻爲佛請食者及長淨日若違制者我等令其作波逸底迦罪說悔尔時世尊於



三月內宴默而住無一苾芻輒得見佛除請  
食人及長淨日時有苾芻名曰小軍於王舍  
城作前三月安居佛於室羅伐城作後月安  
居是時小軍三月滿已隨意事了并作衣竟  
執持衣鉢順杜多行與諸門徒端嚴整肅往  
室羅伐城既至彼已小軍苾芻安置衣鉢洗  
手足已詣世尊所時六衆苾芻遙見小軍苾  
芻來世尊所共作是說此客苾芻破僧伽制  
復有說云我當令作波逸底迦罪說悔時小  
軍苾芻詣世尊所徐扣門扇佛與開門小軍  
入已禮世尊足在一面坐  
世尊常法見客苾芻來歡言慰問汝從何至

何處安居佛見小軍歡言慰問汝從何至何  
處安居小軍白言大德我從王舍城來於彼  
安居世尊問曰王城苾芻已作隨意白言已  
作世尊問曰小軍何意汝自端嚴端嚴圍遶  
或云隨繞或云隨從小軍白言大德若有人  
或云卷屬皆一義也來見求於我欲出家者我便報言汝善男子

當任阿蘭若常乞食但三衣糞掃衣樹下坐  
我為讚歎如是等事若言能者我度出家若  
言不能令隨意去若有欲受圓具或求依止  
或求讀誦或學如理作意寂念思惟來求我  
者皆如前報若言能者隨彼所求圓具等事  
若言不能令隨意去由此緣故我身端嚴門



徒亦尔世尊告曰善哉善哉小軍汝能誓度  
無量人天利益無邊諸有情類來求法者令  
得安樂小軍當知若能讚歎杜多功德者則  
為讚歎我身無異若有毀訾杜多功德者即  
是毀訾我身何以故小軍我於長夜讚歎稱  
揚如斯出要杜多功德然汝不應違僧制令  
小軍白佛言我實不知此處僧伽作何制令  
世尊告曰小軍我安居時告苾芻曰汝等當  
知我欲於此夏安居三月之內宴默而住勿  
令苾芻輒來見我除一苾芻為我請食者及  
長淨日時諸苾芻受我教已又共立制於此  
夏安居內苾芻不得輒見世尊除一苾芻為

佛請食者并長淨日若違制者我等應令作  
彼逸底迦罪說悔小軍白佛言大德我身是  
客彼是主人自立制令豈及於我佛告小軍  
無問客主僧伽制令咸須遵奉然我從今爲  
客苾芻制其行法凡客苾芻入寺之時即應  
先問舊任苾芻曰具壽今此寺中僧伽有何  
制今若問者善若不問者得惡作罪若主人  
報者善若不報者亦惡作罪佛告小軍然阿  
蘭若苾芻與其饒益免依僧制若阿蘭若人  
欲見我者無問時節隨意來見并與十三杜  
多功德相應者亦隨意來見若糞掃衣人但  
三衣人此二與常乞食人次第乞食人一坐



食人鉢乞食人不重受食也

此五與食相應

住阿蘭

若人樹下居人露處住人隨處住人屍林住

人

此五與處相應

常坐人

此一與進相應

策小軍當知斯等

諸人隨情見我

是時小軍苾芻聞佛說已歡喜奉行禮佛而

退時六衆苾芻即便往詣小軍之所白言具

壽可見容許我欲詰問小軍報曰具壽五部

罪中隨意當詰報言汝犯波逸底迦罪須如

法說悔小軍荅言具壽我不見罪報云汝豈

不見破僧制耶荅曰僧伽有何制令即如前

所制具以告之小軍曰具壽世尊告我云小

軍我與蘭若苾芻作其饒益免依僧制隨意

入見但他揭多時彼釋種諸出家者聞斯說  
已各生是念諸仁當知具壽小軍在王舍城  
夏安居了來見世尊即得承事親共言談我  
等在此而不能得親奉承事此意即是由見  
多貪擯斥於我我等宜於長衣鉢物觀之如  
病如癱如箭當棄除之時諸釋子苾芻咸作  
是念我等宜將所有長衣鉢等向具壽阿難  
隨所隨有言教我等奉行時諸釋子苾芻各  
各自持長衣長鉢絡囊罽條諸資具物至阿  
難隨所作如是語善哉大德我等有此長衣  
鉢等資生之具願爲哀受時具壽阿難隨報  
諸釋子苾芻曰仁等且住待我當爲白世尊



知時具壽阿難陀便詣佛所禮雙足已在一  
面立具以其事而白世尊佛告阿難陀可爲  
受取置一大房并語諸苾芻若有闕乏資具  
者隨意取用時具壽阿難陀唯然受教即還  
詣彼諸釋子處受其所有長衣鉢等置大房  
中以爲一聚告諸苾芻曰若闕乏者隨意於  
此取其衣鉢時諸釋子於彼長衣視如癰箭  
旣棄捨已遠離多求樂修少欲即便共往詣  
世尊所禮佛足已在一面坐

根本說一切有部毗奈耶卷第十八

去

要契

上音邀

隍

音皇

企

丘反

湛

宅反

駿

雲

愛

二字

音代

春若 尔上音慎下 瑟 所第 四 許器 晃 反胡廣 解 胡

反 棘刺 上居力反 昔衣 反許器 白 反胡廣 蠲 俱

反 杵摧 上尺吕反 溺 反奴 的 的 煨燼 上烏回反 荻

徒音 偃 反烏主 棧 音翼鎖鑰 下音蘇果反 奕 反字軟 扣門

上音 候 反口又 裘衣 字上裙 沛 反丁 歷 反居厄 詁 反丁咸

毛 反 敢 反他 誓 此二同 誓 此二同



